

學詩毛鄭異同籤

學詩毛鄭異同錢卷三

武

寧

學

生

張

汝霖

兩驂如手傳進止如御者之手箋云如人左右手之相佐助也

按如毛說則如手與齊首句法一類如鄭說則如手與如組如舞句法一類義得兩存

薜兮薜兮風其吹女傳興也薜稿也人臣待君倡而後和箋云稿謂木葉也木葉稿待風乃落興者風動

號令也喻君有政教臣乃行之言此者刺今不然叔
兮伯兮倡余和女傳叔伯言羣臣長幼也君倡臣和
也箋云叔伯羣臣相謂也羣臣無其君而行自以强
弱相服女倡矣我則將和之言此者刺其自專也叔
伯兄弟之稱正義釋經曰毛以爲詩人謂此羣兮羣
兮汝雖將墜于地必待風其吹女又以君意責羣臣
汝等叔兮伯兮倡者當是我君和者當是汝臣汝何
不待我君倡而和乎正義釋箋曰箋以叔伯長幼之

稱予女相對之語故以爲叔伯群臣相謂也箋又自
明已意以叔伯兄弟相謂之稱則知此經爲羣臣相
謂之辭故易傳也

按此章序云羣兮刺忽也君弱臣強不倡而和也
明君臣倡和之義乖故君臣交刺矣但君不能制
臣君之過小臣不知率君臣之罪大故責臣之意
多耳且箋以風喻號令明以羣喻羣臣旣以羣喻
羣臣則所謂風其吹女者女臣也而倡予和女之

女又爲羣臣相女不如毛說之安

子寧不嗣音傳嗣習也古者教以詩樂誦之歌之矜之舞之箋云嗣續也女曾不傳音問我以恩責其忘已音義曰嗣如字韓詩作詒詒寄也曾不寄問也

校嗣韓詩作詒蓋古通詒耳非異字也嗣古文台虞書舜讓于德弗嗣古文尙書作台史記太史公自序唐堯孫位虞舜不台說文台悅也金滕公乃作詩以貽王名之曰鴉鴉鴉正義曰鄭訓爲悅

言周公作此詩欲以救諸臣悅王意也毛以爲既
誅管蔡然後作詩不得復名爲貽悅王心當訓貽
爲遺謂作此詩遺成王也貽卽詒字怡卽台字尚
書弗嗣太史公鮮爲不怕作詩貽王耶康成解爲
怡悅之怡孔安國解爲詒贈之詒知此嗣音之嗣
韓詩作詒者實古文通耳鄭箋云嗣續也而下云
女曾不傳音問我卻取韓詩傳寄之訓與嗣續之
義全無關涉不知何也

揚之水不流束楚傳激揚之水可謂不能流漂束楚
乎箋云激揚之水喻忽政教促亂不流束楚言其政
不行于臣下

按王風揚之水章正義曰此傳不言興意而鄭風
亦云揚之水不流束楚又與此同傳曰激揚之水
可謂不能流漂束楚乎則此亦不與鄭同明別爲
興孔氏以鄭風之傳斷王風之傳今還以王風之
義斷鄭風之義覺鄭說較安于毛王風揚之水不

流束楚下卽云彼其之子不與我戍甫不流束楚
不與我戍甫二語明是一例不得前句爲反言後
句爲正言也或曰束楚幾何而激揚之水反不能
流之乎曰此亦猶政原易行于臣下而不能行耳
故以爲興也

出其東門有女如雲傳如雲衆多也箋云有女謂諸
見棄者也如雲者如其從風東西南北心無所定雖
則如雲匪我思存傳思不存乎相救急箋云匪非也

此如雲者皆非我思所存也縞衣綦巾聊樂我員俾
縞衣白色男服也綦巾艾色女服也願室家得相樂
也箋云縞衣綦巾所爲作者之妻服也時亦棄之趙
兵革之難不能相畜心不忍絕故言且留樂我員此
思保其室家窮困不得有其妻而以衣巾言之思不
忍斥之綦綦艾也

校序云出其東門閔亂也公子五爭兵革不息男
女相棄民人思保其室家焉出其東門有女如雲

雖則如雲匪我思存者男女相棄之謂也縞衣綦
巾聊樂我員者民人思保其室家之謂也毛黃當
謂出其鄭國之東門見有被棄之女如雲之多雖
則衆多而我之思念不存乎相救急我自有我之
家室縞衣綦巾男女相得亦願樂我之室家云耳
救難之心亡相棄之風甚矣毛傳大意與鄭箋不
甚相違但毛以如雲爲喻衆多鄭以爲喻無定毛
以縞衣綦巾爲男女二人鄭以爲舉指女人爲異

耳正義謂毛以爲詩人閨之無可奈何言雖則衆
多如雲非我思慮所能存救惟願使昔日夫妻更
自相得故言彼服編衣之男子服綦巾之女人是
舊時夫妻願其還自配合則可以樂我心云耳似
失毛旨又按此及敝笱兩處如雲並如茶如水如
雨鄭氏皆與毛立異至韓奕之祁匕如雲雖鄭氏
亦不能不從毛說知毛義爲確矣

出其闐闐傳闐曲城也闐城臺也箋云闐讀如彼都

人士之都謂國外曲城之中市里也正義釋傳曰釋
官云闔謂之臺是闔爲臺也出謂出城則闔是城上
之臺謂當門臺也闔既是城之門臺則知闔是門外
之城卽今之門外曲城是也故云闔曲城闔城臺說
文闔闔城曲重門謂闔爲曲城正義釋箋曰以爾雅
謂臺爲闔不在城門之上此言出其不得爲出臺之
中故轉爲彼都人士之都二者人所聚會之處故知
謂國爲曲城中之市里也

按禮記禮器云天子諸侯臺門又云家不臺門詩
閨闔連文爾雅所云闔謂之臺明卽城上之臺矣
孔氏詩言言出其不得爲出臺之中殆未憶臺門
之制耳中華古今注云城門皆築土爲之累土爲
臺故亦曰臺門是也鄭氏不得其說轉闔爲都不
于本文立訓而轉以求之夫轉則豈有窮極耶
其人美且鬚傳鬚好貌箋云鬚讀當爲權匕勇壯也
正義曰箋以諸言且者皆辭兼二事若鬚是好貌則

與美是一也且仁且德既美而復有仁才則且鬢不
得爲好貌故易之巧言云無拳無勇其文相連是鬢
爲勇壯也

梳鬢之與權已從音轉權之與拳又從音轉以此
釋經不愈求而愈遠耶說文鬢髮好貌詩曰其人
美且鬢以鬢爲髮好是鬢固有好義矣毛直以爲
好貌不以爲髮好者本髮好之訓以渾稱其好如
明爲目明言明者不必專美其目聰爲耳聰言聰

者不必定指其耳則鬢雖爲髮好可不專言其髮
矣髦士攸宜傳髦俊也爾雅釋言云髦選也髦俊
也疏云毛中之長曰髦士之俊選者是也說文鬢
髮也爾雅釋詁嗟咨髦也皆同此例也又按鄭箋
之權當作權七拳古今字耳若作權正義不得引
無拳無勇之拳以証權字矣

其魚魴鰈傳鰈大魚也箋云鰈魚子也魴也鰈也魚
之易制者正義釋傳曰孔叢子云衛人釣于河得鰈

魚焉其大盈車子思問曰如何得之對曰吾下釣垂
一魴之餌鰕過而不視又以半豚則吞矣是鰕爲大
魚也正義釋箋曰鰕魚子釋魚文李巡曰凡魚之子
總名鰕也鰕鰕字異蓋古字通用或鄭本作鰕也魯
語云宣公夏濫于泗淵星革斷其罟而棄之曰魚禁
鰕鰕鳥翼鰕卵蕃庶物也是亦以鰕爲魚子也毛以
鰕爲大魚鄭以鰕爲魚子而與魴相配則魴之爲魚
中魚也故可以爲大亦可以爲小陸璣疏云魴今伊

洛濟穎魴魚也廣而薄肥恬而少力細鱗魚之美者
遼東梁水魴特肥而厚尤美于中國魴故其鄉語曰
若就糧梁水魴是也筭以一鰈若大魚則強筭亦不
能制不當以敵敗爲喻且魴鯢非極大之魚與鰈不
類故易傳以爲小魚易制喻文姜易制也

按說文魚部鰈下云从魚累聲李陽冰曰當从魚
累省聲第部累下云周人謂兄弟曰累从累臣餘
等曰累目相及也兄弟親比之義省作累爾雅云

易兄也是也又作昆詩謂他人昆傳昆兄也是也
集韻昆本作翬說文日部昆下云同也徐鍇曰日
日比之是何也亦取親比之義故鯢鯢通也魯語
爾雅皆以鯢爲魚子而孔叢以爲大魚車又列子
云有魚焉其廣數千里其長稱焉其名爲鯢莊子
云北海有魚其名爲鯢其大不知其幾千里也皆
以鯢爲大魚此蓋如古今注云鯨魚雖者名鯢長
千里而莊子云灌瀆守鯢鮒注云鯢鮒皆小魚也

同名鯢而大小異急就篇注鯢今海鯢可爲鮓鮓
及俗所呼鯢米又水中小鯢皆是也而爾雅云鯢
大者謂之鯢注大者長八九尺同名鯢而大小異
也但此詩之鯢毛公以魴鯢連文魴是大魚非魚
子之類明鯢亦大魚毛雖以鯢爲大亦不過與魴
相類必不如孔叢及列莊所說之鯢也鄭氏亦以
魴鯢連文鯢爲魚子是小魚明魴亦小魚之易制
者耳毛謂二魚皆大鄭謂二魚皆小然愚揣詩意

當以魴爲大魚喻齊子鯀爲小魚喻其從魴筍不能制大小之魚喻莊公不能防閑文姜及其從者非必魴鯀二者大則均大小則均小也亦非必魴鯀二者專與齊子一人也或曰鯀有大小二義知詩人必指小者何曰諸說鯀大者廣或千里大或盈車非特魴筍不能制卽強筍亦無如何矣詩刺莊公必不以廣長千里之魚責魴筍以制之也或曰正義明云魴是小魚之易制者子必以爲大魚

何也曰魴郭注江東呼魴魚爲鰮魚鰮魚今江湖
中處處有之大者或七八斤雖非絕大之魚然較
諸鯪魚子則固大之甚矣孔氏引李巡說曰鰮鯪
字異蓋古文通用是知鰮鯪通矣後又云魴鯪非
極大之魚與鰮不類前後自相矛盾又漢志無孔
叢子正義不當引爲毛証且孔叢之書多不足信
舞則選兮傳遞齊貫中也箋云選者謂於等倫最上
貫習也正義曰選之爲齊其訓未聞當謂其善舞齊

于樂節也

按山海經五億十選九千八百步是選與萬古文
本通選既爲萬萬卽是舞正義謂選之爲齊其訓
未聞夫古訓之不聞於今者豈特一言一句之間
哉孔鄭之所以不信毛者半皆未聞其訓之故也
彼人是哉子曰何其傳夫人謂我欲何爲箋云彼人
謂君也曰於也不知我所爲憂者既非責我又曰君
儉而嗇所行是其道哉子于此憂之何乎正義釋經

曰毛以爲彼人又言云君之行是哉子之歌謠何
其爲乎

按經云不知我者謂我士也驕彼人是哉子曰何
其謂我已下俱作不知我者之詞義甚順適若于
彼人是哉一句中分彼人爲詩人指不知我者之
詞是哉爲彼人是其君之詞語氣割裂矣

河水清且漣漪傳風行水交曰漣釋漣正義曰釋水
云河水清且漣漪大波爲瀾小波爲淪此波爲經李

巡云分別水大小曲直之名郭璞曰瀾言渙瀾也淪
言蘊淪也徑言徑澁也漣瀾雖異而義同

按烝涉波矣箋云與衆豕涉入水之波漣矣釋文
云波漣音連一本作瀾爾雅釋文作瀾云瀾郭力
旦反又力安反瀾音爲閑漣音爲連字異而音亦
別矣考說文水部瀾下云大波爲瀾从水闌聲漣
下云瀾或从連據此則瀾漣本一字徐鼎臣于說
文連下云今俗音力延反著之爲俗音明二字本

同不當區別故也陸氏于瀾云力安反于漣云音連不知二字音實同也

職思其外傳外禮樂之外也箋云外謂國外至四境前章正義釋傳曰傳不鮮其居之義二章其外傳以外爲禮樂之外則其居謂以禮樂自居則職思其外謂常思禮樂無使越于禮樂之外也職思其憂傳曰憂可憂謂踰越禮樂至于荒淫則可憂也正義釋箋曰箋以上句言無已太康已見禮樂自居復言職思

其居不宜更處禮樂居謂居處也二章言外謂居處之外則其居謂所居之處故易傳以爲主思所居之事謂國中政令也其居既是國中則知其外謂國外至四境也四境之外則有隣國故其憂爲隣國優伐之憂詩人戒君所思思其自近及遠故從內而外也按序云蟋蟀刺晉僖公也儉不中禮故作是詩以閔之欲其及時以禮自虞樂也詩固欲其行樂但戒以好樂無荒耳所謂以禮自虞樂也不宜舉敵

國外患之事以悚惶之豈有琴瑟導歡反奏哀絃
之曲笙簧寫樂復爲幽怨之音用意實解而益之
震業者乎

他人是愉傳愉樂也箋云愉讀曰偷匕取也釋文愉
毛以朱反鄭作偷他侯反

按愉古通偷周禮大司徒云以俗教民則民不愉
注愉音偷然文作愉者可爲偷薄之訓文作偷者
恐不可爲愉樂之訓鄭箋云愉讀曰偷是愉樂之

愉與愉取之愉已分爲二而不得徑訓愉爲取毛
傳云愉樂鄭須改其讀而訓爲倫取斯爲好與毛
異矣

素衣朱襮傳襮領也諸侯繡黼丹朱中衣箋云繡當
爲綃上黼丹朱中衣中衣以綃繡爲領丹朱爲純也
正義釋傳曰釋器云黼領謂之襮孫炎曰刺繡黼文
以假領是襮爲領也郊特牲云繡黼丹朱中衣大夫
之僭禮也大夫服之則爲僭知諸侯當服之正義釋

箋曰傳之所言郊特牲文彼注云繡黼丹朱以爲中
衣領緣也繡讀爲綃七繒名引詩云素衣朱綃彼注
此箋皆破繡爲綃者以其黼之與繡共作中衣之領
案考工記云白與黑謂之黼五色備謂之繡若五色
聚居則白黑共爲繡文不得別爲黼稱繡繡不得同
處明知非繡字也故破繡爲綃七是繒名士昏禮注
引詩云素衣朱綃魯詩以綃爲綺屬然則綃是繒綺
別名於此綃上刺爲繡文故謂之綃黼也綃上刺黼

以爲衣領然後名之爲褱故爾雅褱領謂之褱上爲
領之別名也案此下章作素衣朱繡而郊特牲及士
昏二注引詩皆作素衣朱綰者箋破此傳繡當爲綰
下章繡字亦破爲綰箋不言者從此而略之耳此已
破爲綰禮記注從破引之猶月令云鮮羔開冰注云
鮮當爲獻七月引之徑作獻羔開冰與此同也此則
鄭之說耳案下章傳曰繡黼也則是以繡爲義未必
如鄭爲綰也如傳意繡得爲黼者繡是畫繡是刺之

雖五色備具乃成爲繡初刺一色卽是作繡之法故
繡爲刺名傳言繡黼者謂于綵之上繡刺以爲黼非
訓繡爲黼也孫炎注爾雅云繡刺黼文以假領是取
毛繡黼爲義其意不與箋同不破繡字義亦通也

按虞書日月星辰山龍華蟲作會宗彛藻火粉米
黼黻絺繡禮衣用畫裳用繡是黼刺之總稱爾雅
云黼紱也鄭注司服云黼黻絺繡爲黼是也上列
宗彛藻火粉米六章下揔以絺繡明黼亦繡矣然

則謂五色紩爲繡不得更爲黼稱繡黼不得同處
者非也若破繡爲綃謂綃上刺爲繡文故謂之綃
黼則繡是五色黼是白黑二色何以又云刺爲繡
文也鄭氏能改各處之繡爲綃必不能改益稷謨
絺繡之繡爲綃此可以見其短矣孔氏于書益稷
謨解藻火引考工記謂記是後人所作何必能得
其真是孔氏固未嘗信考工記也而于此反引以
斷知意而折毛說抑又何哉

三星在天傳三星參也在天謂始見東方也三尸
天可以嫁娶矣箋云三星謂心星也心有尊卑夫婦
父子之象又爲二月之合宿故嫁娶者以爲候焉昏
而火星不見嫁娶之時也今乃見其在天則三月之
末四月之中見于東方矣故云不得其時三星在隅
傳隅東南隅也箋云在隅謂四月之末三星在戶傳
參星正月中有戶也箋云在戶謂五明之末六月之
中

校毛鄭之詩香事各主一說前已著辨茲謹錄其
異同而不贅說焉

采芣采芣首陽之巔傳采芣細事也首陽幽辟也細
事喻小行也幽辟喻無微也箋云首陽山之上信有
芣矣然而采之者未必于此山然而人信之者喻事
有似是而非正義曰手以爲采芣者細小之事以喻
君求細小之行也首陽幽辟之山喻小人是無徵驗
之人也鄭以采芣采芣者皆言我采此芣于首陽之

巔然首陽之巔信有苓矣今采之者未必于首陽而人必信之以其事有似也事雖似而實非以興天下之事亦有似是而實非者

按序云采苓刺晉獻公也獻公好聽讒焉鄭志答張逸問云篇義云好聽讒當與似是而非者故易併意此鄭氏自云當如是耳其實毛傳朱掌疏失序源幽辟無復非讒言之尤乎

學詩毛鄭異同籤卷四

武 寧 學 生 張 汝 霖

蒹葭蒼蒼白露爲霜傳興也蒹葭蒼蒼也蒼蒼盛也白露凝戾爲霜
白露凝戾爲霜然後歲事成興國家待禮然後興箋
云蒹葭在衆草之中蒼蒼然彊盛至白露凝戾爲霜
則成而黃興者喻衆民之不從襄公政令者得周禮
以教之則服所謂伊人在水一方傳伊維也一方難
至矣箋云伊當作繫上猶是也所謂是知周禮之賢

乃在大水之一邊假喻以言遶溯洄從之道阻且長
傳道流而上曰遶洄逆禮則莫能以至也箋云此言
不以微順往求之則不能得見溯游從之宛在水中
央傳順洄而游曰遶游順理求濟道來迎之箋云宛
坐見貌以微順求之則近耳易得見也

橫序云刺襄公未能用周禮將無以固其國毛公
自守序義其傳意以伊人爲維是得人之道以水
一方爲喻禮樂說具詳于正義但此詩興意極窮

宵難會至耶氏以伊人爲能用禮樂之賢人補傳
意之未顯者其說遂暢後之儒者輟輟紛紜多棄
傳意然沈潛諷誦覺毛傳極有思致溯洄溯游旁
乎道岸類于喟然一歎一則曰如有所立再則曰
從之末由宛在中央道阻且長其所之謂與其斯
之謂與

交七黃鳥止于棘傳黃鳥以時往來得所人以壽命
終亦得其所箋云黃鳥止于棘以求安也此棘若不

安則移興者喻臣之事君亦然今穆公使臣從死刺其不得黃鳥止于棘之本意

按此詩爲哀悼三良而作壽終得所之興爲切當時事言交亡之黃鳥尚止于棘而得所今誰從穆公而死者乎我子車氏之奄也深傷之言人命不如黃鳥也若推本于臣子事君之理則經第云交交黃鳥止于棘何嘗有不安則移之意耶鄭之此說是推而得之非詩之本意孔氏序禮記正義曰

畫蛇之說則詞擅乎縱橫鄭氏其好爲縱橫者耶
豈曰無衣與子同袍傳興也袍襦也上與百姓同欲
則百姓樂致其死箋云此責康公之言也君豈嘗曰
女無衣我與女共袍乎言不與民同欲王于興師修
我戈矛與子同仇傳戈長六尺六寸矛長二丈天下
有道則禮樂征伐自天子出仇匹也箋云于於也怨
耦曰仇若不與我同欲而於王興師則云修我戈矛
與子同仇往伐之刺其好攻戰正義釋經曰毛以爲

古之朋友相謂云我豈曰子無衣乎我冀欲與子同袍朋友同欲如是故朋友成其恩好以興明君能與百姓同欲故百姓樂致其死至王家於是興師之時百姓皆相謂修我戈矛與子同爲仇匹而往征之由上與百姓同欲故樂從征伐今康公不與百姓同欲故百姓怨也爰以爲康公平常之時豈肯曰汝百姓無衣乎吾與子同袍及於王法於是興師之時則曰修治我之戈矛與子同往伐此怨耦之仇敵不與百

姓同欲而唯同怨故刺之

按此與唐風無衣章語既略同義亦可見且豈曰
已下語氣一直貫串如鄭說則分作兩橛矣但此
等處雖從鄭亦無傷義理若同仇之仇則從毛爲
妥君子好仇鄭氏謂和好暴妾之怨者公侯好仇
鄭氏謂和好諸侯之怨者已屬好爲立異至此詩
之同仇與偕作偕行一例明同仇是仇匹而膠守
已說何耶

與子同澤傳澤潤澤也箋云釋褻衣近污垢正義釋傳曰衣服之暖于身猶甘雨之潤于物故言與子同澤正謂同袍裳是共潤澤也箋以上袍下裳則此亦衣名故易傳爲釋說文釋袴也是其褻衣近污垢也釋是袍類故論語注云褻衣袍釋也

按經傳皆作澤箋作釋釋文云澤如字說文作釋正義亦引說文釋然考之說文衣部釋與水部澤兩不相及釋字下並未嘗引詩無由斷說文之釋

卽詩之澤也竊意鄭箋自作澤字後人因襲衣之
訓與說文及論語注之襍相合遂改爲襍而顯與
經傳立異蓋鄭箋凡改字者皆云某當作某匕諸
爲某某匕字誤此更不言知鄭固未嘗改字矣且
疑毛傳潤澤之訓亦指近體之衣非卽指袍裳也
何者衣既近體脂汗所沾亦有潤澤之意卽不破
澤爲襍亦得爲襲衣毛傳常有釋其義而不云物
名者如毳衣如璊傳璊類也而不言爲玉貽我握

椒傳椒芬香也而不言爲木類是也然則此亦但
釋褻衣有潤澤之義而不言爲褻衣耳非與鄭有
異也

子之湯兮傳子大夫也箋云子者斥幽公也

按序云宛卽刺幽公也淫荒昏亂游蕩無度焉毛
以經之所陳是大夫之事由君身爲惡化之使然
故舉大夫之惡以刺君鄭以經之所陳卽是幽公
之惡經序相符也故以爲斥昭公鄭說較妥于毛

若夫擊鼓宛邶無冬無夏值羽值翻身爲舞人其
近于大夫遊蕩之習者多經言大夫而序主刺幽
公所謂君子惡居下流天下之惡皆歸焉者也毛
說亦爲可主

越以醴邁傳醴數也箋云醴總也正義釋傳曰醴謂
麻纁每數一升用繩紀之故醴爲數王肅云醴數績
麻之纁也正義釋箋曰商頌稱醴假無言謂總集之
意則此亦當然故以醴爲總

按鬴爲麻縷之數與聘禮所云十筥爲稷十稷爲
秬之稷說文所云縷布八十縷之縷音俱相近毛
以爲麻縷之數當是古義如此若高頌鬴假之鬴
傳亦以爲鬴揔是毛固非不知鬴之可訓爲總者
而于此傳自云鬴數明義當如此而不可據高頌
之鬴以解此詩之鬴矣

可以樂飢傳樂飢可以樂道忘飢箋云飢者不足于
食也泌水之洋洋然飢者見之可飲以瘼飢釋文云

以樂本又作療毛音洛鄭力召反沈云舊皆作樂字
按經傳作樂飢鄭箋作療飢並不言樂當爲療後
人遂有因鄭箋而改經者故唐石經亦作療飢又
文選王元長永明十一年策秀才文云豈非療飢
不期于鼎食拯溺無待于規行李彞注云毛詩曰
泌之洋洋可以樂飢鄭元曰泌水洋洋然飢者見
之可飲以療飢療音義與療同郭有道碑云棲遲
泌邱李善注云毛詩曰泌之洋洋可以療飢太平

御覽五十八亦引作可以療飢旣因樂改療又因
療改療而經之不亂者蓋鮮矣不知毛傳樂飢之
訓自不可易卽郭碑文義亦以此爲樂飢安遺之
意故云潛隱衡門又云棲遲邇邇卹至王元長策秀
才文所云療飢推行少之意并非引詩而李善注
引毛詩作樂飢引鄭說樂飢至注郭碑又引作療
飢紛紜錯出歧多之患不至于亡羊不止耳

東門之楊其葉牂牁傳牂牁盛貌言男女失時不逮

秋冬箋云楊葉牂亡三月中也興者喻時晚也失仲
春之月

按毛鄭本各異說但毛傳明云男女失時不逮秋
冬而孔氏正義云毛以爲楊葉初生興昏之正時
似失毛旨

乘我乘駒傳大夫乘駒箋云我國人我君也君親乘
君乘馬駒君乘駒變易車駒以至株林或說舍焉或
朝食焉又責之也馬六尺以下曰駒正義曰皇皇者

華說大夫出使經云乘我乘駒是大夫之制禮當乘駒也此值質略王肅云陳大夫孔宣儀行父與君滌于夏氏然則王意以爲乘我駒者謂孔儀從君適株故作者並舉以惡君也傳意或當然釋文云乘騶音駒沈云或作駒字是後人改之皇皇者篇內同

按皇皇者華云我馬維駒釋文云維駒音俱本亦作駒据株林篇釋文知株林及皇皇者華並當作驕其作駒者由後之不知古音者謂駒與株韻因

改之說文馬部驕下云馬高六尺爲驕从馬喬聲
詩曰我馬維驕又駒下云馬二歲曰駒三歲曰駘
其驕高六尺與傳之六尺以下曰駒者同駒僅二
歲不得高六尺明詩之駒當爲驕正義並作駒蓋
未辨其誤矣陸氏于株林釋文從沈作乘驕于皇
皇者華云本亦作驕是所見本固有作驕者矣而
大字正文反作淮駒何遊移無定耶又校箋云變
易車服以至株林蓋申傳大夫乘驕之說謂黷公

改易大夫之車乘以往耳而王肅謂傳之大夫指孔宣儀行父不知詩序但云刺靈公未嘗及大夫王肅好難鄭故並鄭之申毛者而亦駁之惜哉

有蒲與荷傳荷芙蕖也箋云芙蕖之莖曰荷正義釋經曰荷之葉極美好又釋傳曰釋草云荷芙蕖其莖茄其葉蓮其本薹其華菡萏其實蓮其根藕其中的中薹李巡曰皆分別蓮莖葉華實之名菡萏蓮華也的蓮實也薹中心也郭璞曰薹莖下白藕在泥中

者今江東人呼荷華爲芙蓉北方人便以藕爲荷亦以蓮爲荷蜀人以藕爲茄或用其母爲華名或用根子爲母葉號此皆名相錯習俗傳誤失其正體者也又釋箋曰如爾雅則芙蕖之莖曰茄此言荷者意欲取莖爲喻亦以荷爲大名故言荷耳樊光注爾雅引詩有蒲與茄然則詩本有作茄字者也

按經云有蒲與荷正義謂荷之葉極美好是謂荷葉卽名荷矣爾雅云其葉蓮者此一句是後人所

加也釋文云蓮字或作葭音遐又音加衆家並無
此句唯郭有然郭本中或復脫此一句亦並闕讀
說文章部蒹蒹蘭也蘭蒹蘭芙蓉華未發爲蒹蘭
已發爲芙蓉蓮芙蓉之實也茄芙蓉莖荷夫蕖葉
芙蓉葉本藕芙蓉根說文亦無所謂其葉蓮也高
誘注淮南子云荷夫蕖也其莖曰茄其本曰密其
根曰藕其花曰夫容其秀曰蒹蒹其實曰蓮亦無
所謂其葉蓮也初學記亦云其葉荷知此句必爲

後人所加矣辨芙蕖葉之爲荷卽知有蒲與荷之
訓自從毛矣孔氏述毛謂以荷之葉極美好興有
美一人之美好夫荷之爲葉亭比圓蓋點綴長陂
蒲草澤蘭互相掩映則誠美好矣鄭以荷爲芙蕖
莖無論莖居葉下無能自著其美卽以莖論之較
小而多刺亦無所謂佼好孔氏謂鄭欲以茹爲喻
亦以荷是大名故言荷然則何不直從毛訓而不
云荷之莖耶

有蒲與蘭傳蘭蘭也箋云蘭當作蓮蓮芙蕖實也正
義釋箋曰以上下皆言蒲荷則此章亦當爲荷不宜
別據他草且蘭是陸草非澤中之物故知蘭當作蓮
也

按經云彼澤之陂有蒲與蘭則蒲生于澤蘭生于
陂可也溱洧之秉蘭亦其徵也且蘭類亦自有一
種名澤蘭者不必疑陸草非澤中之物也至謂不
宜別據他草又不然矣彼汾之詩言采芣采芣亦

及采桑晨風之詩言苞櫟苞楸亦及六駁未嘗不
別據他物也又蓮是實菡萏是華詩之言草木有
先實而後葉者如天桃扶杜皆華落而實然後葉
生故先言實後言葉未有先言實後言華者桃天
先言華後言實黍離先言苗後言穗後言實蓂莢
先言枝後言華後言實明此不得先言實後言華
矣卽明此蘭之不宜改爲蓮矣

庶見素冠兮傳素冠練冠也箋云喪禮旣祥祭而編

冠素紕正義釋傳曰素白也此冠練在使熟其色益
白是謂七之素焉實是祥而謂之練冠者以
喪禮至暮而練至祥乃除練後常服此冠故爲練冠
也正義釋箋曰鄭以練冠者練布爲之而經傳之言
素者皆謂白絹未有以布爲素者則知素冠非練也
且時人不行三年之喪當先思長遠之服何得先思
其近乃思其遠又不能三年者當謂三年將終以月
日耳若全不見練冠便是替旣釋服三年之喪纔行

其半連禮甚矣何止于刺不能行三年也故易傳以素冠爲旣祥之冠玉藻曰緇冠素紕旣祥之冠也

按鄭氏謂詩人刺時人不能行三年不宜先思其近後思其遠故易傳以素冠爲旣祥之冠此論甚確至謂不能三年止是三年少月日此所謂以五十步笑百步也短喪之失沿及後世雖聖門之士且有舉以爲問者詩人先孔子數百年而發之詞旨悲慨曰與子同歸曰我心蘊結可謂賢者矣

聊與子同歸傳願見有禮之人與之同歸箋云欲之
其家觀其居處

按詩人同歸之語情辭幽怨固不必拘已家其意
而後見其憂世之苦也且毛傳亦但言同歸無往
知其當與鄭氏異義而孔氏謂毛云共歸已家鄭
云欲歸其家爲異凡箋傳中有明明立異者有未
甚立異而正義穿鑿之者有并未立異而正義強
別之者讀者宜愷會之也

不濡其翼傳鵠在梁可謂不濡其翼乎箋云當濡其翼而不濡者非其常也

按此句傳義較遜于箋從箋爲便然毛鄭之是非終不爭此等處也

其弁伊騏傳騏七文也弁皮弁也箋云騏當作璫以玉爲之正義曰弁爾云王之皮弁會五采玉璫孫毓云皮弁之飾有玉璫而無綦文箋義爲長若然顧命云四人騏弁孔沘云青黑曰騏孔安國傳云騏文鹿

子皮弁不破駢字爲玉璫者以士之皮弁無璫飾正
是弁作青黑色非綦玉之皮弁矣禮無駢色之弁而
顧命有之者以新王卽位特設駢弁使士服之此言
諸侯常服故知駢當作璫

按邨中有麻正義曰毛詩書籍猶多或有所据是
孔氏已不敢輕議毛氏矣且毛氏生于周末師事
荀卿所見所聞猶有周初遺法此詩駢弁毛以爲
駢文皮弁與書之駢弁合孔安國書傳亦以爲駢

文鹿子皮弁則其鮮同也周禮司服公之服自衮
冕而下如王之服云云以其餘各上得兼下下不得
僭上然則諸侯皮弁雖飾以璫其質仍不妨如騏
固不必引弁師玉璫之文改騏爲璫亦不得謂皮
弁之飾有玉璫而無騏文也古者衣冠之制未必
後世具存必以禮無騏色之弁遂并顧命之騏弁
指爲新王卽位特設之服詩之騏弁指爲騏當作
璫不信詩書而獨据周禮不依毛孔安而獨守康

成竊爲孔氏難不解也

浸彼苞稂傳稂童梁非漑草得水而病也箋云稂當作涼涼草蕭著之屬

按爾雅釋草云稂童梁說文作莠禾之秀而不實者莠莠又詩云不稂不莠皆此物也而鄭氏云當作涼匕草蕭著之屬正義曰釋草不見草名涼者未知鄭何所據是孔氏已不取左袒鄭氏矣至謂蕭著皆野草此不宜獨言禾中之草則蒿者藤屬

不與蕭艾類而采葛采蕭采艾爲一篇李者木屬
不與麻麥類有麻有麥有李爲一篇詩人固連綴
之矣何用曲說耶